

---

§. I.

**I**nter tractationes morborum telae glandulosae tam pauca de morbosa glandulae lacrymalis affectione invenimus. Cujus rei causa est partim in abscondito hujus glandulae situ, qui parvam ejus degenerationem medici oculis subducit, cum in colligandulis, quarum minima induratio vel auctus nos diu fugere non potest, res longe aliter sese habeat, partim in glandulae lacrymalis exigua sensibilitate quaerenda, quod tantum tensio molesta et bulbi pressus sola symptomata, quibus ejus degenerationem aegrotus cognoscere potest, initio esse solent. Quae quamdiu talis non fuerit, ut partium glandulae lacrymalis affinium actiones impedit, morbosa huius glandulae affectio aegrotum ipsum fugiet. Tertia causa medicorum rara inquisitio in dissecandis cadaveribus esse videtur. Certe enim etiam glandulae lacrymalis degenerationem, imprimis in talibus cadaveribus, quorum totum sistema glandulosum magis minusve aegrotabat, non raro invenirent, si modo illis scrutandis operam dedissent. Si hac mea qualicunque disserta-